

ՄԱՐԲՍԻՍՏԱԿԱՆ ԳԱՂԱՓԱՐՆԵՐԻ ԹԱՓԱՆՑՈՒՄԸ ԼԵՌՆԱՅԻՆ ՂԱՐԱՔԱՂ
XIX ԴԱՐԻ ՎԵՐՋԻՆ ԵՎ XX ԴԱՐԻ ՍԿԶԲԻՆ

Մ. Ս. ՍՈՂՈՄՈՆՅԱՆ

Լեռնային Ղարաբաղում առաջին մարքսիստական պրոպագանդիստական խմբակների կազմակերպիչները այն ուսանողներն էին, որոնք սովորելով Ռուսաստանի քաղաքներում ու արտասահմանում, հայրենիք էին վերադառնում առաջավոր հայացքներով ու համոզմունքներով ղինված: Արխիվային փաստաթղթերից մեկում կարդում ենք. «Ամառային արձակուրդներն սկսվելուն պես, Ռուսաստանից վերադառնում են ուսանողները: Շուշիում միշտ արտակարգ աշխուժություն էր զգացվում: Կազմակերպվում էին երեկոներ, ղբոսախմբություններ և այլն»¹:

Շուշիում նման աշխուժություն էր նկատվում սկսած XIX դարի 90-ական թվականներից: 1892 թ. հուլիսի 11-ին Շուշիից գրել են. «Տեղիս երիտասարդները եկվոր ուսանողների հետ սանիտարական խմբեր կազմելով, քաղաքը թաղ-թաղ բաժանելով, ման են գալիս և կարեցածի շափ օգնում ժողովրդին, իստակություն են սովորեցնում, չքավորներին փող են տալիս կամ պակասող բաները»²:

Լեռնաշխարհում մարքսիզմի գաղափարների առաջին պրոպագանդիստը, Շուշիի առաջին մարքսիստական խմբակի կազմակերպիչը եղել է, հետագայում բոլշևիկյան կուսակցության ականավոր գործիչ, Բոգդան Միրզաջանի Կնունյանցը, որը ծնվել է Ղարաբաղի Ննգի գյուղում 1878 թ. նոյեմբերի 26-ին:

Նպատակ շունենալով տալ Կնունյանցի կյանքի ու հեղափոխական գործունեության մանրամասները³, նշենք միայն, որ նա իր մանկությունը՝ «մինչև 16 տարեկան գառնալի անց է կացրել Շուշիում... 1895—1896 թվականներին նա ղեկավարել է աշակերտական խմբակներ, ունենալով նրա մասնակիցներին ինքնակրթելու և հայրենի պատմությանն ու կենցաղին ծանոթացնելու նպատակ»⁴: Շուշիի ռեալական դպրոցը 1895 թ. ավարտելուց հետո Կնունյանցը հաջորդ տարի մեկնում է Պետերբուրգ և ընդունվում տեխնոլոգիական ինստիտուտ, որտեղ ակտիվորեն մասնակցում է ուսանողական հեղափոխական շարժումներին, Վ. Ի. Լենինի հիմնադրած «Բանվոր դասակարգի ազատագրության պայքարի միություն» մեջ ստանում հեղափոխական առաջին մկրտությունը: «Շուշեցի էր Բոգդանը,— գրել է Ստ. Շահումյանը,— ռեալական դպրոցի շրջանավարտներից, որը չքավորության պատճառով... երեք տարի կրթության միջոց ձեռք բերելու նպատակով այս ու այն կողմ գնալով, համենայն դեպս 1896 թվականին կարողանում է մտնել այն ժամանակվա Պետերբուրգի տեխ-

1 ՄՄԿԿ Կենտկոմին կից մարքսիզմ-լենինիզմի ինստիտուտի հայկական ֆիլիալի կուսարխիվ, ֆ. 4048, ց. 1, գ. 75, թ. 5:

2 ՀՍՍՀ ՊԿՊԱ, ֆ. 227, ց. 1, գ. 696, թ. 9:

3 Տե՛ս Հ. Գ. Ինճիկյան, Բոգդան Կնունյանց, 1957, Երևան:

4 ՄԼԻ-ի հայկական ֆիլիալի արխիվ, ֆ. 4048, ց. 1, գ. 68, կապ. 1, թ. 1:

նորոգիական ինստիտուտը: Ուսանողական մտքերի խմորման, հասարակական բուռն կյանքի մի պահ էր, երբ եռանդոտ ու կրակոտ Բողոքանք ընկնում է Պետերբուրգ: Հասարակական ու քաղաքական շարժմանը հարադատ, այդ շարժումն իր տարերք համարող Բողոքանք ընկնում է պայքարի հորձանուտները, նրա բուռն հոսանքն ու կենտրոնական դեմքերից մեկը հանդիսանում⁵:

Բողոքանք Կնունյանցը քաղաքական կյանքի ասպարեզ ելաւ յայն ժամանակ, երբ «բանվորական շարժման դարնանային պահն էր Անդրկովկասում բացել իր դեռևս մասնաւոր, բայց զորեղ ծիլերը, որին սպառնում էր ցարական ռեակցիան իր դաժան ու մռայլ ոստիկանական ու ժանդարմական կրունկներով»⁶:

Հեղափոխական շարժումներին մասնակցելու համար նա 1897 թ. կարճատև բանտարկության է ենթարկւում: Այդ թվականի ամռանը Բ. Կնունյանցը արձակուրդն անցկացնում է Շուշիում: Այստեղ էլ նա կաղմակերպւում է Շուշիի (և Ղարաբաղի) մարքսիստական առաջին խմբակը: Այդ խմբակի մասին մեղ հաջողվել է հայտնաբերել արխիվային մի փաստաթուղթ, որը հրապարակվում է առաջին անգամ: Դա խմբակի անդամ Ն. Դ. Փիրումովի հուշերն են: Փիրումովն այստեղ պատմում է, որ «Մարքսիստական խմբակը փաստորեն կաղմակերպվեց դեռ 1897 թվականին՝ Շուշիում ռեակական ուսումնարանում 5-րդ դասարանի աշակերտներից: Խմբակը կաղմակերպվել է 1897 թվականի ամռանը՝ Պետերբուրգի տեխնոլոգիական ինստիտուտի ուսանող ընկեր Բողոքանք Միրզաչանի Կնունյանցի (Ռուսով, Ռադին) կողմից: Խմբակի կազմի մեջ մտնում էին Ն. Դ. Փիրումովը, աշակերտներ Նովանդ և Լևոն Սարգսյանները, Պավել Խաչիկը, Սրտնի Լալանը, Վանյա Մելիք-Օսիպովը»⁷:

Խնչ էին ուսումնասիրում խմբակում: Առաջին պարապմունքների ժամանակ ընթերցվում են Բիշեր Ստոուի «Քեռի Թոմասի տնակը» գիրքը, պատմում Սերվանտեսի «Դոն-Կիխոտ» գրքի բովանդակությունը և այլն⁸: Իսկ «արանքում», — գրել է Ն. Փիրումովը, — Կնունյանցը շոշափում էր Ռուսաստանում հասարակական շարժման հարցերը, հաղորդում էր Գերցենի, Նեկրասովի, Գրանովսկու մասին, վերջապես համառոտ տեղեկություն էր տալիս եվրոպական իդեալիստների, Լասալի, Ռոբերտ Օուենի մասին: Նա առաջին անգամ մեղ հաղորդեց Կարլ Մարքսի փիլիսոփայության մասին»⁹:

Բ. Կնունյանցը խոսելով բանվոր դասակարգի դրության մասին, օրինակներ էր բերում Շուշիի գավառի առևտրա-արդյունաբերողներ Հարունովների, Դավիթ Ափյանցի և ուրիշների մետաքսամշակման ֆաբրիկաների բանվորների կյանքից: Կնունյանցը «խոսում էր նաև Աղզամի գինեմշակման գործարանների դործարանատեր հուբլարովների և Հարունովների կողմից բանվորներին շահագործելու մասին, որտեղ արդեն սկսվել էին բանվորական շարժումներ՝ աշխատավարձը ցածր լինելու և ընդհանրապես տերերի դաժան շահագործման պատճառով»¹⁰:

Խմբակի պարապմունքները շարունակվել են 1897 թ. հունիսի 20-ից մինչև օգոստոսի 15-ը: «Մարքսիստական այդ առաջին խմբակը հետագայում աճեց

5 Նույն տեղում, գ. 70, թ. 4:

6 Նույն տեղում, թ. 1:

7 Նույն տեղում, գ. 75, թ. 3:

8 Նույն տեղում:

9 Նույն տեղում, թ. 3—4:

10 Նույն տեղում, թ. 4:

և տվեց մի քանի տոկոսն հեղափոխականներ, որոնց թվում Սլավա Կասույարովին, Զինաիդա Կասպարովային, Ալ. Մատուրյանին (Ռուրևնի)։ Այդ խմբակը համարձակ կերպով մրցում էր մյուս խմբակների հետ»¹¹։

Ամառային արձակուրդից հետո Կնունյանցը խմբակի անդամներին հանձնարարեց պարապ չմնալ։ «Որպեսզի ձմռանը չտխրվեք, — ասում էր նա խմբակի անդամներին, — լավ կանեք, եթե չքալոր երեխաների մեջ գրադիտություն տարածեք»¹²։ Եվ իրոք, Բ. Կնունյանցի խորհուրդով նրանք 1897—1898 ուսումնական տարում կազմակերպեցին չքալոր երեխաների «ընդհատակյա դպրոց»՝ 25 հոգուց բաղկացած մի դասարան¹³։

Պարապմունքներն անցկացվում էին քաղաքի ծայրամասում, ինքնաշեն նստարաններով կահավորված մասնավոր տներում։ Մարքսիստական խմբակի անդամները կազմակերպում էին երեկոներ և հավաքած գումարներով գրքեր, ուսումնական պիտույքներ, մինչև անգամ հաղուստներ ղնում երեխաների համար։ «Ընդհատակյա դպրոցը» գործել է մեկուկես տարի՝ մինչև ոստիկանությունից կողմից հայտնաբերվելը և արգելվելը։ «Այնուամենայնիվ մենք կրթել ենք երկու տասնյակ երեխաներ, — գրել է Ն. Դ. Փիրումովը։ — Իսկ դպրոցը փակելուց հետո մենք 20 երեխաների բաժանեցինք մեր՝ «ուսուցիչներիս» միջև և նրանց հետ պարապմունքները շարունակեցինք տներում։ Ուսուցիչների թվում էին մարքսիստական խմբակի անդամներ Փիրումովը, Երվանդ և Լևոն Սարգսյանները, Պավել Խաչիկը, Վանյա Մելիք-Օսիպովը, Տ. Թաթևոսը»¹⁴։

1898 թ. ամռանը Կնունյանցը նորից Ուշիում էր։ «Նա շատ հավանեց խմբակի անդամների կատարած աշխատանքը»¹⁵։ Այդ ամռանը Բ. Կնունյանցը շարունակեց պարապմունքները խմբակի անդամների հետ։ «Ռեալական ուսումնարանի աշակերտները գնում էին կոլեկտիվ զբոսանքի։ Նրանց միանում է նաև ուսանող ընկեր Կնունյանցը։ Հասնում են անտառը՝ Իսա-Բուլաղ (Պեխի աղբյուր) կոչվող տեղը, որտեղ ընկեր Կնունյանցը ռեալականների բարձր դասարանցիների հետ քաղաքական թեմայով պարապմունք է անցկացնում։ Այդ 1898 թվականի ամռանն էր՝ Ռուսաստանում բանվորական շարժման ուժեղացման մոմենտին»¹⁶։

«Իսա-Բուլաղի» մոտ տեղի ունեցած պարապմունքի ունկնդիր Փիրումովը գրել է. «Նա միշտ օգտվում էր մեզ հետ հանդիպելու հարմար պահերից և պատմում հասարակական կյանքի այն երևույթների մասին, որոնք տեղի էին ունենում հեռավոր Հյուսիսում, հատկապես մայրաքաղաքում»¹⁷։

Եղբոր օրինակին հետևում էր քույրը՝ Փառանձեմ Ռիզելը (Կնունյանց), որը ծնվել է Ուշիում 1885 թ.։ Նախնական կրթությունը նա ստացել է հայրենի քաղաքում, միջնակարգը՝ Բաքվում, բարձրագույնը՝ Պետերբուրգում։ Հեղափոխական շարժումներին ակտիվ մասնակցելու պատճառով Ռիզելը 1902 թ. Թիֆլիսում ձերբակալվել և արտաքսվել է Շուշի։ Ինչպես քաղաքում, այնպես էլ շրջակա գյուղերում նա կազմակերպչական, քաղաքական խոշոր աշխատանք էր կատարում։

¹¹ Նույն տեղում։

¹² Նույն տեղում։

¹³ Նույն տեղում, թ. 5։

¹⁴ Նույն տեղում։

¹⁵ Նույն տեղում։

¹⁶ Նույն տեղում, թ. 5։

¹⁷ Նույն տեղում։

Նշված ժամանակաշրջանում հեղափոխական պրոպագանդիստական և կադմակերպչական աշխատանք էին կատարում նաև Բ. Կնունյանցի եղբայրը՝ Լյուդվիգը և Ալեքսանդր Բեկղադյանը:

1901 թ. սեպտեմբերի 10-ին Կիևի ժանդարմական վարչությունում Ալ. Բեկղադյանից խլված իրերի, փաստաթղթերի ու նամակների քննության առթիվ կադմված արձանագրությունը վկայում է, որ Կիևի հայկական մարքսիստական խմբակը, հատկապես նրա ղարաբաղցի աչքի ընկնող անդամներ Ալ. Բեկղադյանն ու Լ. Կնունյանցը սերտ կապերի մեջ են եղել նաև Շուշիի Բաքվի ու Թիֆլիսի հայկական հեղափոխական հրիտասարդության և ուսանողների հետ¹⁸:

Պետերբուրգ սովորելու էին մեկնել և այնտեղից լեոնաշխարհի հետ կապ էին պահպանում նաև Սիմոն Հարությունի Ավետիսյանցը, Հովհաննես Մելիք-Հովսեփյանը և շատ ուրիշներ: Սիմոն Ավետիսյանցը ծնվել է 1870 թ. Շուշիում: Նա ավարտել է տեղի ռեալական ուսումնարանը և ընդունվել Պետերբուրգի անտառալին ինստիտուտը: Այստեղ հրիտասարդ Սիմոնը մտնում է ուսանողական մարքսիստական խմբակի մեջ, տարածում հեղափոխական դրականություն, ընդունվում «Պայքարի միության» անդամների պայծառ համաստեղություն մեջ¹⁹: 1897 թ. Ս. Ավետիսյանցը արտաքսվում է Կովկաս: Սկզբում նա գալիս է Շուշի, ապա մեկնում Բաքու:

Հովհաննես Մելիք-Հովսեփյանը (1882—1945) Շուշիի ռեալական ուսումնարանն ավարտելուց հետո ընդունվում է Պետերբուրգի տեխնոլոգիական ինստիտուտի մեխանիկայի բաժինը: Նույն այս շրջանում նա հարում է հեղափոխական շարժումներին: Պետերբուրգի «Բանվոր դասակարգի ազատագրության պայքարի միության» շորս հայ անդամներից (Բ. Կնունյանց, Ա. Զուրաբյան, Ս. Ավետիսյանց և Հ. Մելիք-Հովսեփյան) երեքը, ինչպես տեսնում ենք, ղարաբաղցիներ էին (շուշեցիներ):

Այսպիսով, եղբայրներ Բոգդան և Լյուդվիգ Կնունյանցները, Ալեքսանդր Բեկղադյանը, Սիմոն Ավետիսյանցը և Հովհաննես Մելիք-Հովսեփյանը, լինելով մարքսիզմի զարգացման լենինյան էտապի նշանավոր գործիչներ, պաշտպանել ու տարածել են մարքս-լենինյան ուսմունքը: Նրանց կողմից լեոնաշխարհի Պարաբազում մարքսիզմի տարածման պատմության առաջին էջերը տակավին սկսել են դրվել XX դարի սկզբին: Արդեն այդ ժամանակ ղարաբաղցի լենինյաններն իրենց նամակներում ու ելույթներում ցույց էին տալիս մարքսիստական ուսմունքի հեղափոխական նշանակությունը, պրոպագանդում մարքսիզմի կլասիկներին երկերը:

Մարքսիստական գրականության տարածմանն օգնում էին ղարաբաղցի ուրիշ շատ ու շատ հրիտասարդներ: Շուշեցի եփրեմ Տեր-Հակոբյանը և Հմայակ

¹⁸ Ալեքսանդր Բեկղադյանի և Լյուդվիգ Կնունյանցի ղարաբաղցի դուրս ուսանողական շրջանի հեղափոխական գործունեության մասին տե՛ս պրոֆեսոր Խ. Հ. Բարսեղյանի «Ուկրաինական և հայ ուսանողության հեղափոխական կապերի պատմությունից» հոդվածը: («Բարձրագույն և միջնակարգ մասնագիտական կրթություն» բյուլետեն, 1967 թ., № 5—6):

Բուլշևիկյան կուսակցության ակաճավոր գործիչ Ալեքսանդր Բեկղադյանի կողմից Վ. Ի. Լենինին ուղարկած ութ նամակները առաջին անգամ հրապարակվել են պատմական գիտությունների թեկնածու Հ. Ն. Կարապետյանի կողմից: (Տե՛ս «Բանբեր» Հայաստանի արխիվներ, 1967, № 3):

¹⁹ Տե՛ս Խ. Հ. Բարսեղյան, Մարքսիզմի տարածումը Հայաստանում, գիրք առաջին, Հայկական ՍՍՀ ԳԱ հրատարակչություն, 1967, էջ 257:

Նազարյանը Պետերբուրգի հայ ուսանողական ընկերության անդամների, Լին, Այդ ընկերությունը հրատարակում էր էժանագին փոքրիկ բրոշյուրներ: Ամառային արձակուրդներին նրանք իրենց հետ Շուշի էին բերում այդ բրոշյուրները և տարածում երիտասարդության մեջ, նպատակ դնելով «հեղափոխականացնել ժողովրդական մասսաները պատմական նմանությունների, անալոգիաների միջոցով»²⁰:

Առհասարակ ղարաբաղցիների հասարակական զարգացման պորժում շուտ արգասավոր դեր են խաղացել Մոսկվայի, Պետերբուրգի և Կիևի բուհերը: 1861—1903 թվականներին Մոսկվայի համալսարանում սովորած 450 հայերի մեջ կային նաև ղարաբաղցիներ, որոնք ոչ միայն գիտելիքներ էին ձեռք բերում, այլև ծանոթանալով ժամանակի առաջավոր հասարակական-քաղաքական գաղափարներին, դրանք հասցնում էին նաև հարադատ երկրամասը: Միայն 1900 թ. հարյուրից ավելի շուշեցիներ էին սովորում Ռուսաստանի ու Արևմտյան Նիժնոպոլի բարձրագույն դպրոցներում²¹:

XIX դարի վերջին և XX դարի սկզբին Գուշին ապրում էր զարգացող ու դեպի Արևմուտք հակվող տիպիկ արևելյան քաղաքի բուռն կյանքով: Դարեվերջին ալդտեղ արդեն սկսել էր եռանդուն դեր խաղալ ուսումնասեր երիտասարդության մի ստվար բազմություն, որի միջից դուրս են եկել բազմաթիվ նշանավոր դեմքեր՝ մարքսիզմի տեսաբաններ, հեղափոխական գործիչներ:

XIX դարի վերջին քառորդում Ռուսաստանում արագ զարգացող կապիտալիզմը իր ոլորտի մեջ առավ Անդրկովկասը: Նավթի արդյունաբերության արագ զարգացման շնորհիվ, արագորեն ղարաբանում էր նաև Բաքուն: 1875—1900 թվականներին քաղաքի բնակչությունը 50 հազարից հասավ 250 հազարի: Նույն դարեսկզբին հայ պրուլետարիատի մեծ մասը (20—22 տոկոսը) Բաքվում էր: Նավթաշխարհի պրուլետարիատը մեծ չափով համալրվում էր Լեոնային Ղարաբաղի գյուղացիներով: Նավթահանքերը դեպի իրենց էին ձգում տնտեսապես քայքայվող գյուղի ընչազուրկներին: Բաքվի և նրա նահանգի 65 հազար բանվորներից (1897 թ.) 5,4 հազարը գաղթել էին Նիդերլանդների նահանգից՝ հիմնականում Ղարաբաղից, Զանգեզուրից ու այլ վայրերից: Արխիվային մի փաստաթղթում ասված է. «Ղարաբաղի, Զանգեզուրի և Ղափանի բազմաթիվ հայ գյուղեր օրեցօր դատարկվում են»²²: Դա բացատրվում էր գյուղացիների անպահով վիճակով: «Ահա մի քանի օրավար հոդ,— գրել է ականատեսը:— Լալ նայեցեք, որքան մանր կտորների է բաժանված այդ փոքրիկ երկու օրավար հոդը... Ահա մի այգի, որի մեջ աչքի են ընկնում մի քանի ողորմելի պտղատու ծառեր: Մտեք ներս, քանի՜-քանի ցանկապատներ են, որոնք իսկույն աչքի են ընկնում՝ բաժանելով մանր կտորների այդ խեղճ ու կրակ այգին... Կարիքներից ազատվելու համար գյուղացին սկսում է երազել օտարություն, պանդխտություն մասին...»²³:

Լեոնաշխարհից Բաքու մեկնած և պրուլետար դարձած գյուղացիները մասնակցում էին Բաքվի կոմիտեի կողմից կազմակերպվող խմբակների պարապմունքներին, լսում հեղափոխական զեկուցումներ ու դասախոսություններ:

²⁰ Լ և ո, Անցյալից, հրատարակություն «Խորհրդային Կովկասի», Թիֆլիս, 1925, էջ 43—44:

²¹ Տե՛ս 2. Ն. Կ ար ա պ ե տ յ ա ն, Մեծ պայքարի մարդիկ, «Հայաստան» հրատարակություն, Երևան, 1967, էջ 226:

²² ՀՄՄՀ ՊԿՊԱ, ֆ. 313, ց. 1, գ. 31, թ. 27—31:

²³ ՀՄՄՀ ՊԿՊԱ, ֆ. 227, ց. 1, գ. 397, թ. 14:

Բաքվում կազմակերպված խմբակների անդամներից շատերը կապված էին Լեոնային Ղարաբաղի գյուղերի հետ՝ Փառանձև միությունի վկայությամբ մինչև 1903 թ. Շուշիում գործում էին Բաքվից եկած սոցիալ-դեմոկրատներ, որոնք ապրում էին ոչ միայն քաղաքում, այլև գյուղերում։ Բաքվի կոմիտեի անդամները խմբակներում զեկուցումներ ու դասախոսություններ կարդալուց բացի, ունենդիրներին սովորեցնում էին, որ «ներսնք սխտեմատիկարար նամակ դրեն տուն, իրենց համադյուղացիներին և հարապատեներին տեղյակ պահեն քաղաքական անցուղարձի մասին, համապատասխան ձևով բացատրեն այդ դեպքերի նշանակությունը՝ կապակցելով իրենց գյուղացիների շահերի ու ձգտումների հետ»²⁴։

Բաքվի կոմիտեի հանձնարարությունները բարեխղճորեն կատարում էր Սևմյոն Ավետիսի Ղալարյանը, որը ծնվել է 1874 թ. Ղալբաշի (Դահրավ) գյուղում, չբավոր գյուղացու ընտանիքում։ 1887 թ. նա մեկնում է Բաքու՝ աշխատանք փնտրելու։ Ղալարյանը հատուկ հանձնարարություններով հաճախ մեկնում էր իր ծննդավայրը և ընդհատակյա աշխատանք տանում գյուղացիների մեջ։ Այդպես էր վարվում նաև Նիկողայ Թևոսի Կասպարովը, որը ծնվել է 1880 թ. Կուսապատ գյուղում, դարբնի ընտանիքում։ 1896 թ. Նիկողայն ավարտում է գյուղի երկրասյան դպրոցը և աշխատանք որոնելու նպատակով մեկնում Բաքու։ Սոցիալ-դեմոկրատական գաղափարները նա ղանաղան ձևերով (նամակներով, արձակուրդների ժամանակ անձամբ) հասցնում էր հարապատ ծննդավայրը։

Բաքվի կոմիտեի անդամների միջոցով Լեոնային Ղարաբաղի գյուղերն էին ուղարկվում հեղափոխական թռուցիկներ ու կոչեր։ Արձակուրդների ժամանակ գյուղ գնացող Ղարաբաղցի բանվորները հատուկ հանձնարարություններ էին ստանում կոմիտեի անդամներից։

Պրոլետարական Բաքուն վեր էր ածվել հեղափոխական կադրերի պատրաստման դարբնոցի, որտեղից մարքսիստական գաղափարներով զինված տասնյակ հեղափոխականներ, տարբեր ժամանակներում, մեկնել են Լեոնային Ղարաբաղ և աշխատավորներին լուսավորել մարքսիստական-լենինյան գաղափարներով։

Լեոնային Ղարաբաղում մարքսիզմի տարածմանը զգալի շափերով նպաստել են սոցիալ-դեմոկրատական առաջին խմբակները, որոնց կազմակերպիչները դարձյալ հեղափոխական ուսանողներն էին։ Արխիվային փաստաթղթերից մեկում ասված է. «Շուշի էին արտաքսվել հեղափոխական տրամադրությամբ ուսանողներ, որոնց օգնությամբ այդտեղ ստեղծվեցին սոցիալ-դեմոկրատական կազմակերպություններ»²⁵։ Շուշիում սոցիալ-դեմոկրատական առաջին խմբակները կազմակերպվել են 1901—1903 թվականներին։ Իրենց կազմակերպման հենց սկզբից այդ խմբակները հանդես եկան որպես ՌՍԴԲԿ տեղական կազմակերպություններ և կառուցվեցին պրոլետարական ինտերնացիոնալիզմի սկզբունքներով։ 1901—1903 թթ. Ղարաբաղի ամենաակտիվ ընդհատակյա խմբակը Շուշիի ռեալական ուսումնարանի աշակերտական ընդհատակյա ինտերնացիոնալ խմբակն էր։ Նրա միջոցով տպագրվեցին մարքսիս-

24 Հ. Ի. Ն. Կ. յան, Բոգդան Կնունյանց, Հայպետհրատ, Երևան, 1957, էջ 45։

25 ՍՄԿԿ Կենտկոմին կից մարքսիզմ-լենինիզմի ինստիտուտի հայկական ֆիլիալի արխիվ, ֆ. 4033, ց. 1, գ. 20, թ. 2։

տական մի շարք գրքույկներ: 1902 թ. ապրիլ-մայիսին ուսումնարանի 5-րդ կուրսի ուսանող, 18-ամյա Սամսոն Սահակյանցի մոտ ոստիկանության կողմից հայտնաբերվել են «ՌՄԴԲԿ մանիֆեստը», «Հունիսի 2-ի օրենքը՝ բանվորական օրվա տեղումնային և բաշխման մասին», «Ռուսական բանվորական շարժումը 1897 թվականին», «Լեհական բանվորական շարժումը 1897 թվականին»²⁶:

Այդ առթիվ ոստիկանության կողմից հարցաքննվել են ուսանողներ Սահակյանցը, նրա համագյուղացի Արսեն Մինասյանը, Ալի Բաբաևը, Վիկտոր Մանգրիկինը, Ալեքսանդր Ռիխիլաձեն և ուրիշներ: Ստուգումների ժամանակ հայտնաբերվել են նաև Տուրգենևի երկերը, հեղափոխական բանաստեղծություններ և այլն²⁷:

Հայտնի է, որ «Իսկրա»-ն Ռուսաստան էր բերվում կոնսպիրատիվ միջոցներով: Այդ գործում ևս Բաքվի իսկրայականներին մեծ օգնություն էին ցույց տալիս Ղարաբաղցիները: Շատերից մեկն էր Արտեմ Պողոսի Աղամալյանը (1884—1963): Չաքաղուզ գյուղի չքավոր գյուղացու պալակ Արտեմը 1892 թ. տեղափոխվում է Բաքու և աշխատանքի ընդունվում նալթանքերում, ընդգրկվում հեղափոխական աշխատանքի մեջ: Բաքվի Կոմիտեի հանձնարարությամբ Աղամալյանը 1903 թ. երկու անգամ (զարնանը և սամանը) անցնում է ռուս-պարսկական սահմանը և Պարսկաստանից Բաքու տեղափոխվում լենինյան «Իսկրա»-ի համարները՝ մարքսիստական ուրիշ գրականության հետ միասին:

1902 թ. մայիսի 16-ին ոստիկանները Շուշիում հայտնաբերել են «Իսկրա»-ի 19-րդ համարը: Խուզարկողների զեկուցագրում ասված էր, որ գյուղմանիշի վրա եղած նշումների համաձայն այն ուղարկվել է Լայպցիգից: 1967 թ. հոկտեմբերին Հաղորդի շրջանի Կեմրակում գյուղում հայտնաբերվեց «Իսկրայի» մի համար:

Ինչպե՞ս էր այն ընկել Լեոնային Կեմրակում գյուղը: Ո՞վ էր նրա բաժանորդն ու առաջին ընթերցողը: Այս հարցերին պատասխանում է 1919 թ. ՍՄԿԿ անդամ Հայկ Դավթյանը: «Ձարմանալու ոչինչ չկա: Այս Արսեն Տեր-Հովհաննիսյանի լուսանկարն է, որն ավարտել է Շուշիյի թեմական դպրոցը և ուսուցչությամբ էր զբաղվում մեր գյուղում: Նա ժամանակի առաջադեմ մարդկանցից էր, ստանում էր մարքսիստական գրականություն, գիշերները՝ ազոտ լույսի տակ «Իսկրա» թերթ էր կարդում: Լինում էր՝ փաթեթներ էր ստանում ժնկից, միուսաստանի խոշոր քաղաքներից»²⁸:

Ինչու փաստը վկայում է, որ 1901—1903 թթ. լենինյան «Իսկրա»-ն և իսկրայական հրատարակությունները տարածվում էին ոչ միայն Շուշի քաղաքում, այլև Լեոնաշխարհի գյուղերում: Դրանց առաքումը Լեոնային Ղարաբաղ անգնահատելի դեր խաղաց հայ և ադրբեջանցի աշխատավորների շրջանում մարքսիստական գաղափարների տարածման, լենինյան, իսկրայական ուղղության սոցիալ-դեմոկրատական խմբակների ձևավորման գործում:

Ստեփան Շահումյանի խոսքերն այն մասին, որ սոցիալ-դեմոկրատական կազմակերպություններն իրենց մարքսիստական պրոպագանդայով թափան-

²⁶ Տե՛ս ՀՍՍՀ ՀՀՍՇ ՊԿԱ, ֆ. 114, ց. 2, գ. 42, թ. 45—46:

²⁷ Տե՛ս ՀՍՍՀ ՊԿԱ, ֆ. 114, ց. 2, գ. 42, թ. 46:

²⁸ «Սոկոտական Ղարաբաղ», 19 հոկտեմբերի 1967 թ., № 246:

ցում էին հայկական պրովինցիայի «մթին թագավորությունը»²⁹, վերաբերում էին նաև լեռնային Ղարաբաղին:

РАСПРОСТРАНЕНИЕ МАРКСИЗМА В НАГОРНОМ КАРАБАХЕ В КОНЦЕ XIX — НАЧАЛЕ XX ВВ.

М. С. СОГОМОНЯН

Р е з ю м е

Распространение идей революционного марксизма в Нагорном Карабахе тесно связано с именами верных учеников В. И. Ленина. На заре коммунистического движения в России вместе с русскими революционерами встали под знамя ленинизма и лучшие сыны Нагорного Карабаха — Б. Кнунянц, В. Каспаров, А. Бекзадян, Л. Кнунянц, Ф. Ризел, С. Касьян, С. Тер-Габриелян, И. Мелик-Овсепян, С. Аветисянц и многие другие. С конца 90-х годов прошлого века в городе Шуше возникает первый марксистский кружок. В распространении марксизма и формировании социал-демократических групп в Нагорном Карабахе огромную роль сыграли ленинская «Искра» и искровские издания, которые в 1902—1903 гг. распространялись не только в г. Шуше, но и в отдаленных селах.

В общественно-политическом развитии трудящихся велика была роль студенческой молодежи. Благодаря усилиям революционно настроенной части армянского студенчества в конце XIX — начале XX вв. среди трудящихся Нагорного Карабаха начали распространяться марксистские идеи. В борьбе против дашнаков, мелкобуржуазных националистических партий, меньшевиков и «спецификов» росли и закалялись большевистские группы в Карабахе.

²⁹ Ստ. Շահնազյան, Երկեր, հատ. 1, էջ 52.